

金錄齋懺方儀

廣成先生杜光庭集

懺方儀

都懺

伏聞 元始開圖 闢五方而安鎮 真文演化 分十

極以凝光 總萬象於神機 歸群功於妙有 保寧邦國

孚祐帝王 延大寶於無疆 播鴻休於有截 今謹有皇帝

融神道域 屬想玄津 思啟洪禋 下資萬寓 謹齋金龍

玉壁 油燭香花 法信紋繒供養之具 請披玄蘊 敷露

真文 歸命

十方無極太上靈寶天尊

十極天君

金錄齋懺方儀

清微藏書閣

諸天諸地三光五嶽一切神仙諸靈官

伏冀 社稷尊靈 宗祧昭穆 遊神太極 晏景上清

友八帝於丹陵 接五皇於絳府 垂芳萬葉 流貺九圍

皇帝繼聖勛 華紹蹤義皞 寰區永泰 文軌大同 和

玉燭於四時 葉珠囊於五緯 兆民康樂 百穀滋繁 長

臻有道之風 克暢無為之化 得道之後 升入無形

和與道合真

東方

臣等伏聞 勾芒律應 分淑氣於瑤臺 青帝令行

扇和風於玉樹 三光煦嫗 九野氤氲 羽戢皆翔 鱗潛

盡躍 凝輝六合 蠢類昭蘇 流貺八宏 群生咸泰 謹

有皇帝齋持法信 虔設道場 披露真文 奉修齋直 歸

命

東方無極太上靈寶天尊

九氣天君

東鄉神仙諸靈官

伏冀 社稷尊靈 宗祧先聖 雲升三境 質蛻九清

謁群帝於星關 攜列位於天路 皇帝四皇接軫 六帝

齊猷 澤濬東溟 壽隆北極 寰中海外 俱沐玄休 有

識含生 長承道化 兵戈戢息 風雨以時 五緯順常

兆人康泰 得道之後 升入無形 和 與道合真

南方

臣等伏聞 朱陵火帝 開月殿而流輝 丹霍天君

含日精而散彩 御絳霄而演教 聖人光得一之符 居赤

金錄齋懺方儀

清微藏書閣

明以敷經 天子啟通三之曆 大弘玄訓 作範將來 為

邦國之津梁 實幽明之舟楫 今謹有皇帝齋持法信 虔

設道場 披露真文 奉修齋直 歸命

南方無極太上靈寶天尊

三氣天君

南鄉神仙諸靈官

伏冀 社稷尊靈 宗祧先聖 五華芝蓋 廕神於流

火之庭 三素雲輶 遊觀於明霞之府 皇帝垂衣化表

端拱宸中 闢象魏而納萬方 固龍圖而寧九有 三辰葉

度 四序調年 烽燿不驚 休祥自降 俗躋仁壽 化洽

雍熙 幽夜窮泉 飛行蠢動 克承明祐 咸保物宜 得

道之後 升入無形 和 與道合真

西方

臣等伏聞 鬱察仙官 金真校長生之籙 浮羅寶觀
玉帝懸度世之科 大啟真宗 發輝聖緒 弘龜鼎之祚
光鳳曆之尊 導群品於靈臺 乘霓廣漠 引含生於淨
域 羽駕太清 今謹有皇帝齋持法信 虔設道場 披露
真文 奉修齋直 歸命
西方無極太上靈寶天尊
七氣天君
西鄉神仙諸靈官

伏冀 社稷尊靈 宗祧先聖 躡金霞而駕景 乘玉
輅以參真 證品天階 延休帝業 皇帝崑丘比壽 兌澤
齊貞 握三鏡以君臨 盡萬方而撫御 五風十雨 自葉

金籙齋懺方儀

清微藏書閣

於農祥 舜日堯雲 克彰於睿德 兵鋒偃戢 夷夏昭蘇
乾坤永清 億兆同泰 得道之後 升入無形 和 與道
合真

北方

臣等伏聞 鎮嶽標奇 據陰方而作固 玄丘聳翠
當北陸以居尊 生一氣以含元 分三才而會道 仰扶天
度 上保宸居 爰司罪福之門 以顯幽明之位 今謹有
皇帝齋持法信 虔設道場 披露真文 奉修齋直 歸命
北方無極太上靈寶天尊
五氣天君

北鄉神仙諸靈官

伏冀 社稷尊靈 宗祧上聖 挹靈津於紫府 御瓊

鳳於玄洲貽貺億千 傳光海嶽 皇帝功包九有 聖葉三
無 廓溟海以流恩 並極星而御眾 金芒玉弩 永消兵
甲之災 天象人文 自契升平之運 三邊靜肅 九稼豐
穰 動息飛沈 咸承景化 得道之後 升入無形 和與
道合真

東北方

臣等伏聞 一氣初分 天道運而無極 三光肇映
品物形而有倫 呈玉相於寅方 散金輝於艮域 翼朱綈
之景命 爰福帝圖 開綠錯之禎文 以康天步 今謹有
皇帝齋持法信 虔設道場 披露真文 奉修齋直 歸命
東北方無極太上靈寶天尊
梵氣天君

金錄齋懺方儀

清微藏書閣

東北鄉神仙諸靈官

伏冀 社稷尊靈 宗祧列聖 飛步於青元之境 乘
真於碧落之臺 潛播神功 允昌休祚 皇帝六符應象
萬寓宅心 睿明侔鳥兔之暉 天壽等乾坤之固 外宣文
德 旁振武威 稼穡有年 烽煙罷警 九幽六趣 同均
浩蕩之恩 絕域窮荒 共沐雲雷之澤 得道之後 升入
無形 和與道合真

東南方

臣等伏聞 石闕端旒 儼仙姿於巽境 銅階踐極
凝真相於梵宮 洪濤浮不夜之庭 金霧鎖長生之嶽 三
壺列翠 九海澄光 齊帝道於茲方 順朝宗於百谷 今
謹有皇帝齋持法信 虔設道場 敷露真文 奉修齋直

歸命

東南方無極太上靈寶天尊

梵氣天君

東南鄉神仙諸靈官

伏冀 社稷尊靈 宗祧先聖 涉鯨津而永驚 羽衛

參差 指鼇嶺以長遊 雲程縹緲 皇帝光敷大號 遐鼓

皇風 超農燧以揚徽 掩軒融而縱聖 三光調理 五緯

順常 俗致和平 人登富壽 幽明庶類 同洽玄恩 得

道之後 升入無形 和 與道合真

西南方

臣等伏聞 金真撫運 朗金鏡於申郊 玉聖御時

明玉燭於坤境 玄功幽贊 保億載之宏圖 至德潛符

金錄齋懺方儀

清微藏書閣

揚七百之遐祚 神休克被 景命惟新 今謹有皇帝齋持

法信 虔設壇場 披露真文 奉修齋直 歸命

西南方無極太上靈寶天尊

梵氣天君

西南鄉神仙諸靈官

伏冀 社稷尊靈 宗祧昭穆 登大明之府 出沈默

之鄉 延嘉貺於孫謀 霈玄滋於帝室 皇帝嵩衡比壽

日月齊華 運乾德以君臨 配坤輿而安靜 神皋帝籍

自表於有年 偃革弢弓 永臻於至理 群生遂性 萬國

乂康 得道之後 升入無形 和 與道合真

西北方

臣等伏聞 金墉千里 拱宸極以高居 琳闕九重

峙乾郊而作鎮 仰三成於崑嶠 控六紀於戍鄉 乃真靈之所都 實帝道之攸則 今謹有皇帝齋紋繒法信 龍壁香華 披露真文 奉修齋直 歸命

西北方無極太上靈寶天尊

梵氣天君

西北鄉神仙諸靈官

伏冀 社稷尊靈 宗祧上聖 御虬驂於天路 肅羽

衛於雲衢 縱賞九清 傳徽萬葉 皇帝凝旒體道 指玄

圃以長尊 負宸乘乾 與珠衡而永正 化歸清靜 歲葉

豐登 鋒鏑不飛 禎祥允集 含靈有識 咸契真階

得道之後 升入無形 和 與道合真

上方

金錄齋懺方儀

清微藏書閣

臣等伏聞 至道融精 惟天為大 覆三千而不宰

包五億以高臨 垂象無私 運行靡息 克昌景化 以福

帝圖 今謹有皇帝齋持法信 敷列壇場 披露真文 奉

修齋直 歸命

上方無極太上靈寶天尊

玉京玄都紫微金闕三清三界上聖高尊

上鄉神仙諸靈官

伏冀 社稷尊靈 宗祧先聖 霓旂高舉 逍遙三境

之中 鶴馭還升 放曠六虛之上 皇帝體元立極 以道

乘圖 邁三五之風猷 傳億千而遠大 與儀璘而並耀

配九六而永貞 萬寓咸寧 兆人康泰 兵鋒不試 文德

允孚 凡曰幽明 共升道域 得道之後 升入無形 與

道合真

下方

臣等伏聞 厚載之功 寔惟坤德 廓八紘而有截
生萬類以無私 鰲浦鵬池 旁分固護 十山五嶽 遐布
威靈 弘大寶於中都 總群休於上國 今謹有皇帝齋持
法信 虔設道場 披露真文 奉修齋直 歸命
下方無極太上靈寶天尊

十二仙君

九宮真人

無極世界嶽瀆神仙諸靈官

伏冀 社稷尊靈 宗祧先聖 三山八洞 遠奉宸遊
丹霍青丘 繼登真格 皇帝克明睿德 永御中天 運

金籙齋懺方儀

清微藏書閣

玉斗以撫臨 闢瑤圖而端穆 三辰皎潔 長環北極之尊
九地浩茫 允福南山之壽 干戈不作 穀稼惟豐 動
植幽明 常臻道化 得道之後 升入無形 和與道合真

金籙齋懺方儀竟

天運壬辰年巳月正一天師清微弟子洪鼎堅羅大英恭錄彙編

蔣科靜複校